




Amor perdù

Image not found or type unknown Idiom: Gherdëina



L'ëura ie ca, muesse pa me n jì,
 I destin à ulù per mé nsci,
 mé sc' é fertuna puderei tan dalonc me cuntenì.
 T'na nuet fulestiera messerei me ndurmenzé,
 y nce tl suenn de chëi de cësa ulerei me lecurdé.
 Ch'la stëila cun ciof ne po' nia plu m'luné,
 chëla ch' a cësa fo'a uni sëira sëura mé.
 Dalonc, dalonc defin,
 ma mi cuer resterà ladin,
 nce canche l s'fej danterëures bel plan,
 y l surëdl se n va destudan,
 nibl cueciun vëiji passan,
 mé ël me aud mé bradlan,
 o sce fosse a cësa l anmaria audissi sunan.

Chëi che ove pa bën l plu gën y me fova l plu daujin,
 ie ne poss' nia i desmincë, ajache resteré for ladin,
 ma n linëus se mpea mpo mo te mé,
 ajache ie sé che nzaul iel n cuer che se nsemieiea y se lecorda de mé.
 Chësc cuer che ne sà nia mé m'desmincë
 uei pa n iede pudëi a cësa ancunté.

Mmm, mmm, mmm...
 Zeruch a cësa unissi snel,
 inió ne me po' plu savëi bel,

ciuldì arà pa ulù l destin vel' da de tel?

N pue' de speranza mpo mo restel cun mé,
ajache n cuer nzaul me decurdan à stlut ite cun sé.
Chësc cuer che bat pa mé per mé,
sà pa bën che n di per for pudons s'ancunté.